

濱春長猶隔河陽縣裏看  
過武林八絕句

檻外芳洲記昔遊北來風雨滯歸舟  
遠山得得如相慰紫桂黃花開幾秋

石洞松花流紫泉芝壇瑤樹散晴烟  
今人漫爾談仙蛻去鶴來雲知幾年  
春榼芒鞋興不孤二高峰自峙西湖南  
歸病客還多事十月風烟寒桂梧  
江流曲抱鳳凰山昔日蛟龍見御顏  
豈謂旌旗忘北伐故教戎馬竟南還

蘋藻人知薦岳墳南枝啼鳥不堪聞  
英雄一死關天意河朔江南總暮雲  
岳家軍令如山重燕薊真摧萬里城  
偏伋乾坤此杯土冷風淒雨古今情

乍聽僧鐘憶翠微雲岩烟渚夢中稀  
他年天地容踈放直與嚴陵乞釣磯

處士清風寄草堂梅花山色共年芳  
前時報客林棲鶴定老西湖雲水鄉